




Republika e Kosovës
 Republika Kosova - Republic of Kosovo
 AGJENCIA KUNDËR KORRUPSIONIT
 AGENCIJA PROTIV KORRUPCIJE
 ANTI - CORRUPTION AGENCY



DATE/A:	18/02/2021
REFERENC-Ë:	AKK- DPKPP /03-03-318/21
PËR/ZA/TO:	Ndriçim MUSTAFA Udhëheqës i Zyrës së Prokurimit- Ministria e Mjedisit dhe Planifikimit Hapësinor
CC:	Fatos QERIMI Sekretar i Përgjithshëm- Ministria e Mjedisit dhe Planifikimit Hapësinor
PËRMES/PREKO/THROUGH:	Shaip HAVOLLI, Drejtor i Agjencisë kundër Korrupsionit
NGA/OD/FROM:	Afrim ATASHI, Drejtor i Departamentit për Parandalimin e Korrupsionit
TEMA/SUBJEKAT/SUBJECT:	Opinion lidhur me Tenderin "Faza II- Ujësjetllësi Shipol- Brus, Mitrovicë"

I nderuari z. Mustafa,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3) të Ligjit nr. 06/L-011 për Parandalimin e Konfliktit të Interesit në Ushtrimin e Funkcionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "Faza II- Ujësjetllësi Shipol- Brus, Mitrovicë", me numër të prokurimit: 210-21-190-5-1-1 dhe numër të brendshëm 213 21 002 511, Agjencia kundër Korrupsionit ofron këtë:

OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin me titull: "Faza II- Ujësjetllësi Shipol- Brus, Mitrovicë", me numër të prokurimit: 210-21-190-5-1-1 dhe nr. të brendshëm 213 21 002 511, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

Arsyetimi

Agjencia kundër Korrupsionit (në tekstin e mëtejme Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 16/02/2021, ka nxjerrë vendim me numër protokollit: *DPK 03-03/318/21*, për fillimin e procedurës për trajtimin e rastit në lidhje me aktivitetin e prokurimit publik me titull: "**Faza II- Ujësjellësi Shipol- Burs, Mitrovicë**", me numër të prokurimit: 210-21-190-5-1-1 dhe nr. të brendshëm 213 21 002 511, i iniciuar nga Autoriteti kontraktues Ministria e Mjedisit dhe Planifikimit Hapësinor.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se Autoriteti Kontraktues, për këtë aktivitet të prokurimit ka paraparë procedurën e hapur, kontratë për Punë me vlerë të madhe të parashikuar në shumë prej 4,434.000.00 €.

Agjencia, pasi ka analizuar me kujdes njoftimin për kontratë dhe dosjen e tenderit ka konstatuar se tek rubrika *III.2.4*. Kapaciteti teknik dhe profesional tek Kërkesa 1. është kërkuar si në vijim: Kontrata të natyrës së punëve të ndërtimit të ujësjellësve, të përfunduara me sukses gjate 3 (tre) vitet e fundit, deri në datën e publikimit të këtij Njoftimi të Kontratës. Vlera totale e kontratave të natyrës së punëve të ndërtimit të ujësjellësve, sistemi i ujitjes të jetë minimumi i vlerës prej 5,000,000.00 Euro. OE duhet të ketë një nga referencat të ndërtimit të ujësjellësit me diametër 500-800mm, me vlerë min. 2,000,000.00 Euro. Dëshmia e kërkuar dokumentare: 1. Lista e Kontratave dhe referenca të natyrës së punëve të ndërtimit të ujësjellësve, sistemeve të ujitjes të përfunduara me sukses gjatë 3 (tre) vite të fundit, deri në datën publikimit të këtij Njoftimi të Kontratës. Vlera totale e kontratave të natyrës së punëve të ndërtimit të ujësjellësve të jetë minimumi i vlerës prej 5,000,000.00 Euro. OE duhet të ketë një nga referencat të ndërtimit të ujësjellësit me diametër 500-800 mm, me vlere min. 2,000,000.00 Euro. *Kërkesë kjo për të cilën AKK konsideron se nuk është në pajtim me dispozitat e Ligjit në fuqi për prokurimin publik më saktësisht me nenin 69.*

Sipas Legjislacioni në fuqi për Prokurim Publik më saktësisht në nenin 69 paragrafi 4.2 parashihet se: "Për të vërtetuar aftësitë teknike dhe profesionale të operatorëve ekonomik, autoriteti kontraktues mundet të kërkojë listën me të cilën saktësohen të gjitha kontratat kryesore të rëndësishme të shërbimeve të realizuara në periudhën e shkuar trevjeçare, duke saktësuar llojin e shërbimeve të përfshira, shumën e kontratës, datën dhe pranuesin; (i) kur shërbimet janë siguruar për autoritetin publik në Kosovë ose në vendin tjetër, si dëshmi për këtë sigurim të shërbimeve do të shërbejë kopja e certifikatës (certifikatave) përkatëse të lëshuar ose bashkë nënshkruara nga autoriteti i tillë publik; (ii) kur shërbimet janë siguruar për blerësin privat, dëshmi për këtë sigurim të shërbimeve duhet të jetë kopja e çdo dokumenti të nënshkruar nga blerësi dhe evidentimi i sigurimit të tillë".

Agjencia konsideron se Autoriteti kontraktues nuk ka të drejtë të bëjë kufizimin e numrit të kontratave dhe referencave në vlerën e caktuar. E rëndësishme për Autoritetin kontraktues është që

ta vërtetoj se operatorët ekonomik përmbushin vlerën minimale e cila është kërkuar nga ana e Autoritetit Kontraktues pavarësisht numrit të kontratave dhe referencave. E jo si në rastin konkret ku është kërkuar numri i kontratave dhe referencave në vlerë të caktuar.

Konsiderojmë se kërkesat e tilla si në rastin konkret e kufizojnë konkurrencën e lirë dhe diskriminojnë operatorët ekonomik të cilët kanë një kapacitet të kënaqshëm ekonomik, teknik-profesional.

Veprimet e Autoritetit Kontraktues, konsiderojmë se bien ndesh me nenin 7 Barazia në Trajtim/ Jo-Diskriminimi nenin 27 Dosja e Tenderit, nenin 69 Kapaciteti teknik/profesional të Ligjit për Prokurimin Publik nr. 04-L/042 i plotësuar dhe ndryshuar me Ligjin nr. 04/L -237, Ligjin nr. 05/L-068 dhe Ligjin nr. 05/L-092 dhe nenin 26 të Rregullave dhe Udhëzuesit Operativ për Prokurimin Publik.

Konsiderojmë se shkelje të tilla nuk duhet lejuar në aktivitete të prokurimit, andaj Agjencia kundër Korrupsionit rekomandon që të evitohen këto shkelje, përmes njoftimit standard për informata shtesë dhe për përmirësimin e gabimeve, duke i njoftuar Operatorët të cilët e kanë tërhequr dosjen e këtij tenderi.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet kontraktuese e informojnë Agjencinë për veprimet e ndërmarra.

Me respekt !